

欽定大清會典事例

欽定大清會典事例卷九百二十八

工部

水利

江南二

江西

福建

嘉慶元年。借帑挑濬太倉州屬鎮洋縣境內劉河一道。自新造橋起。至石家塘口止。計長九千五百一十五丈五尺。挑深一尺。面寬十二丈至十五丈。底寬六丈至八丈。太倉鎮洋二州縣承挑十分之五。寶山嘉定二縣承挑十分之三。崑山新陽二縣承挑十分之二。崇明縣按照銀數。協貼十分之一。督飭鄉民興挑。工竣驗收。所借

帑項分作三年隨同地丁徵還歸款。○四年挑
挖山陽縣護城等河淤淺並隄堰溝渠。又建石
牐一座木橋三座。○十年借帑挑濬武進縣孟
瀆河自石橋灣起至孟河江口止計長四千五
百二十丈一尺。又挑丹徒縣德勝河自連江橋
口起至江口止計長七千一百三十丈。所借帑
項分作六年攤徵還款。○十二年借帑興挑鹽
城縣濶河淤淺共四千三百三十七丈。實需夫
工等項銀一萬七千八百三十二兩四錢五分
五釐。分作三年攤徵還款。○十三年借帑興修

潛山縣屬吳塘堰土壩。分作五年攤徵還款。○
又挑挖武進縣運河五百三丈。陽湖縣運河七
百三十丈。○十四年。修築安徽省和州西北鄉
之西九西十三四十五等都圩壩。所借帑項。
分作四年攤徵還款。○又覆查丹陽縣境內之
練湖。發源甚遠。向設牐座。蓄放濟運而溉民田。
本有上下兩湖。其上湖久為民間成田墾種。現
在下湖頭二三四牐座四處。並涵洞十二處。按
年歲修。設夫防守。歸於該二縣河工縣丞經理。
以專責成。○十七年。借帑挑濬武進縣孟瀆南

段河道估需土方壩工等項銀一萬八千八百餘兩。分作六年攤徵歸款。○又借帑挑濬太倉州劉河。需銀九萬八千餘兩。分作三年隨同地丁徵收歸款。○又修築高寶興鹽下河一帶各工。○十八年

諭。百齡等奏酌籌劉河善後事宜一摺。劉河工段現已挑濬深通。惟海口溼土嫩沙。易致停淤。該督等議請設立混江龍鐵埽帚等物。用海船四隻。水手二十四名。往來爬疏。俾河流暢出。工程得資經久。著照所請。准其於挑工節省項下。動支銀二千八百三十五兩。

零以充製備船隻器具之用。餘銀四千兩。並准其發商生息存貯蘇松道庫。作為歲修及增給工食之需。○又挑濬安東縣一帆河。○又挑濬泰州串場河道。○十九年修築泗州護城石岸。○又修補山陽縣涇河石牯。○又撥兩淮引鹽徵存加價項下銀六十萬兩生息。為邳宿運河歲修。○二十二年疏濬碭山蕭沛三縣利民永定減水河。並修護城河隄。○二十四年挑濬宿州境內西河。○又挑修銅山縣天然峯下河堰。培補蕭縣境內堰工。○道光元年挑深海州鹽河。並於東

岸草壩。設立誌椿。視水長落。以時啟閉。○又疏
濬靈壁縣峯山牯引河。並培兩岸子堰。○又疏
濬鳳陽新橋河。○二年。疏濬鳳陽小溪溝河。○
三年。疏濬宿州靈壁縣北股河。濉河。並培堰工。
○又加築銅山縣境子堰。挑陳家樓積淤。並築
順河土格挑壩。培高蕭縣順隄河西堰。補縱劉
二莊缺口。並加築子堰。又睢縣峯山四牯東西
兩堰逼窄。退東堰數百丈。於四牯下共十六堡。
另築新東堰。培喬山以下舊東堰。舊河閒段挑
淤。並培西堰。自二牯下開新河一道。又宿州西

堰積水汕刷。培築鞏固。○四年

諭御史程邦憲奏請濬治太湖洩水要道一摺。前據給事中朱為弼奏請濬海口下游。當經降旨飭孫玉庭等派員擇要疏挑。又據御史郎葆辰奏請修太湖漕港。亦飭帥承瀛委員勘估酌修。茲據該御史奏稱太湖匯全吳之水。全賴入水之口。與出水之口。一律疏暢。若致力於海口下游。而不去太湖淤塞。雨水過多。橫決四出。蘇松嘉湖諸郡。俱受其害。若專治湖州淩港。又挾天目諸山之水。奔注東來。吳江一帶。要口仍任淤墊。入海不能迅速。則蘇松之患滋甚。是專治上

游。專治下游。均未見有利益。惟擇太湖洩水最要處。所。如吳江隄之垂虹橋遺愛亭龐山湖及隄西等處。疏剔沙淤。剷除蕩田。令太湖東注之水。源流無滯。蘇松嘉湖諸郡。可免汎溢。吳淞劉河諸下游。亦得藉水刷沙。不致旋濬旋淤。事關兩省水道農田。自宜合兩省形勢通盤籌畫。為一勞永逸之計。著孫玉庭韓文綺。迅派幹練大員。會同浙省。確實查勘。擇要疏挑。並嚴立科條。禁止栽種芡蘆。及絕流插蘄壅積泥沙等弊。如查有土棍勾串吏胥及生監把持包庇。將應行剷除蕩田。刁梢留難。串通蒙混。即行嚴拿懲辦。○又

諭。孫玉庭等奏勘明三吳水利。酌分先後借項興修。一
摺。江蘇吳淞江劉河等處。及江震下游一帶。泖湖浦
港。因積年久遠。淤墊甚多。據該督等奏稱。此時籌議
修濬。工鉅費繁。請於各條水道中。擇要先加疏治。其
餘分年興辦。著照所議。除吳淞江劉河白茆均暫緩
辦理外。所有太湖下注黃浦一路。為江震二邑下流。
上年被水較重。急需宣洩深通。著俟本年冬令水落。
先行興工。其估需銀兩。若令民捐民辦。實難先事鳩
貲。著准其借帑興修。仍於工竣後。按照得需水利州
縣。奏明分年攤徵還款。另片覆奏。朱為弼所請於水

潦未降時。疏濬江蘇海口下游。現在已交夏令。勢難急切施工。並著於冬令水落時分投挑挖。○又

諭。前因江浙兩省水利勘估緊要之時。降旨令孫玉庭等於兩省司道內會同保舉一員綜理。茲據該督等會奏綜理乏員。請各分任責成。於兩省交界遊員會勘承辦等語。江浙司道中既無堪令總理之員。著孫玉庭等即責成現在勘估工程之蘇松太道龔麗正。杭嘉湖道陳鍾麟。留蘇降調道員沈惇彝等。帶同熟諳估工員弁。前往應辦河道。確切傳估。公同承辦。事關兩省水道農田。雖係各就各境分段疏濬。而河道

總屬同條共貫。必應合兩省形勢。通盤籌畫。俾上下游一律通暢。不致旋濬旋淤。仍虞汎溢。方為一勞永逸之計。該督等即飭該委員等。務須不分畛域。實心經理。毋得稍存彼此推諉之見。○又

諭。孫玉庭等奏通籌三江水利。請借項先修各工一摺。江浙興辦水利。事關兩省水道農田。節經降旨飭令通盤籌畫。酌分先後。以次興工。茲據孫玉庭等查明青浦婁縣吳江震澤華亭五屬承太湖下注黃浦各支河。淺滯淤阻。應挑應切。共估需土方並築壩單長計銀九萬五千八百餘兩。又吳淞江為太湖下注幹

河由上海出。牘與黃浦合流入海。因去路阻塞。流行不暢。應於受淤最厚之處。大加挑濬。共估需土方銀三十萬五千一百餘兩。此兩路工需銀兩。著准其在捐監撥歸封貯款內。照數動給。俟工程全竣之日。攤徵還款。其它廢蕩田。如有升科者。准予豁賦。毋庸再給產價。並著援照民捐成案。免其造冊報銷。至吳淞江口四孔大牘。近因上游杭嘉湖等府溪河。每多沙壅。若再向下游修建牘壩。堵禦渾潮。必至阻遏上游來水。殊於浙省未便。其應否修築之處。著悉心妥議具奏。○六年。疏濬鳳陽縣境之花園湖。鑿斷懷遠縣

荊山口之葫蘆繫。○七年

諭御史李鵬奏請疏濬東南水利。據稱浙江各郡。蘇松最居下游。諸水匯入太湖。由三江東流入海。其東北由劉河入海者為婁江。東南由黃浦入海者為東江。吳淞一江。獨當太湖下注之衝。尤關緊要。近則劉河口淤成平陸。吳淞下游。僅如溝洫。雖黃浦江勢尚通暢。而吳淞不通。則蘇松及浙湖交界之水。無從入海。劉河不通。則蘇州東北之水。無從入海。以致水旱均災。民田被害。請及早設法疏濬等語。江蘇省三江水利。前曾議准興修。嗣因需費較多。僅將黃浦一路挑

濬吳淞各工。暫行停辦。數年以來。淤塞當更甚於前。自應及時疏挑。為一勞永逸之計。著蔣攸銛。陶澍。即派委妥幹大員。逐加查勘。應如何將正河籌款修治。其支渠汊港有關水利之處。可否照業食佃力之例。勸諭紳耆董辦。詳細體查情形。通盤籌畫。定議具奏。

○又開淮揚運河鳳凰橋南瓦窯鋪之新河。一千三百三十九丈五尺。並挑切下游廖家溝。石羊溝。董家溝。淤背。濬溱潼河。修范公隄。並通海各牐座。○九年。疏濬宿遷縣之六塘。民便等河。堵民便涵洞。暨歸仁利仁等牐口。○又奏准。丹

陽縣練湖舊有四牐。拆三牐。修黃金牐。移建黃泥牐於張官渡。○十年。疏濬武進縣孟瀆得勝澤港三河。並改孟瀆河於超瓢港入江。添建牐座。○十一年。修華亭縣海塘石工。○十二年。疏濬宿州運糧河。○又濬徒陽運河。○十三年。疏濬碭山縣減水河。長二千二百丈。○又奏准。節省銀一萬一百二十二兩零。發商生息。為武進縣孟瀆得勝澤港三河歲修。並咨部豁除它廢民田額糧。○十四年。開它桃源縣吳陸兩鄉引河。長九百八十丈。○又奏准。蘇松太倉等屬劉

河白茆河下游。開清水長河一道。○又疏濬蕭縣減水河。○又疏濬銅山縣天然牯下引河。並修築牯壩。及半步店迤北柴土壩。○十五年。修築宿州靈壁泗州之灘河北股河民埝。○又疏濬通州海安以東至馬塘鎮河道一百五十六里。泰州自稽家樓至青浦角河道二十餘里。○又修築邳縣宿州隄堰。○又興修太倉州七浦牯。濬七浦河。改民工為官工。又修元和縣境寶帶橋園洞。及承受太湖之支港。吳江縣之瓜涇港。王家匯。姚家莊。七里港。邨落。胥大港。新港。太

倉州之楊林朱涇。嘉定縣之華亭浮黃姑塘。蒲
華塘。○十六年。移建練湖官渡。牐上二百丈。○
又疏濬鹽城縣皮大河。長七千八十六丈。及豐
縣順隄河。○又疏濬靈壁縣之北股河。○十八
年。申明泰州范公隄牐壩啟閉例禁。○又修築
蕭縣西埵。○又疏濬徐州府屬之白塘河。林子
河。羅河。歸仁集河。○又疏濬碭山縣減水河。○
又修築宿松縣之康公隄。一千三十二丈一尺。
○二十年。修築桐城縣天治河新隄。一千三百
二十四丈。陸家湖舊隄。加修一千七百九十八

丈並越築新隄一千五百丈。大成舊隄加修三百六十丈。永賴永成兩隄加修三千六百四十丈。石灰溝至南河拐舊圩隄加修二千九百丈。○二十五年。疏濬丹陽縣練湖。○三十年。疏濬白茆河之支河十九條。並移建海口石牯於老牯橋。○咸豐七年。

諭。有人奏淮揚各屬下河水利。請飭將運河各牯壩。相時啟閉一摺。據稱淮揚一帶。近歲田畝歉收。不盡由豐工未築。清淮以下無水之故。實因高寶五壩耳牯未啟。有司既恐啟牯經費無出。劣紳土豪復藉買水。

為名。圖飽谿壑。以重賂營謀。竟敢於官河築壩攔截。使下游涓滴無沾。而下游八壩。概不堵築。至運河水無停蓄。上游灌溉無資。邇來漕艘既歸海運。水利專在民田。儻能及時啟閉。藉可蓄水濟旱。歲費工程。不過萬金。並可計畝攤捐等語。河工設立牐壩。原以利運便民。必當因時制宜。俾田畝無水旱之憂。於民食軍餉。均有利。益。著何桂清。庚長按照摺內所稱各情形。詳細體察。酌量辦理。○同治三年

諭。都察院奏江蘇士民殷自芳等以要工久緩。懇請興辦等情。赴該衙門呈訴。據稱生等田畝坐落山陽鹽

城二縣境內市河十字河小市河等處市河上通郡城文渠十字河小市河皆其分支蜿蜒百里東注於馬家蕩沿河民田數千頃旱則資其灌溉潦則資其宣洩自乾隆八年大挑以後迄今一百餘年河淤田廢水旱均易成災同治元年該士民公稟府縣請挑濬築壩引運河水入市河經該府批准轉詳漕督詣勘二年正月興工嗣因御史以地方官勒捐等情入奏工即停止雖經漕督查明覆奏並無辦理不善之處而承辦官紳亦遂畏累遷延現在要工久懸懇請奏明興辦以蘇民困等語該處市河等渠關係民田

數千頃。淤墊日久。小民生計維艱。自應趕緊興修。藉資灌溉。著曾國藩、吳棠、李鴻章迅速查覈辦理。該處曾經吳棠親勘興辦。何以旋即停止。是否有無窒礙。並著該督撫據實奏聞。○六年。修築淮揚兩屬運隄。

○又疏濬清河縣張福口引河。○又興修成字河張福口。復淮水故道。○八年。疏濬白茆河六百三十七丈。並修近海口蘇常石牐。○十年。疏濬常鎮運河。自丹陽至丹徒牐六十餘里。○十三年。疏濬無錫縣皋橋河至常州廣濟橋。一萬四百八十餘丈。從鎮橋繞皋橋達運河之支河。

一千八百餘丈。京口運河自鎮江西門至丹徒
舖。常州西門至蓮花庵。一萬餘丈。並武進縣出
江小河。武進丹陽兩縣境之扁担河。○又疏濬
清河。安東二縣境包家民便。便民。一帆等河。並
清桃界溝等處要工。○光緒元年。修築邵宿等
處土埽要工。前沐河港河兩岸民埝。並開挑砂
礮河。前沐河港河薔薇河。○三年。修築黃林莊
以下二十里之河清舖。○五年。修築高郵州之
車邏壩。○又疏濬儀徵縣河道。○八年。堵築潛
山宿松太湖望江英山六安各州縣衝決圩隄。

並和州境內之唐家灣至無為州之下九連塘隄埂合肥之東關至西口一帶民圩。貴池繁昌含山當塗等縣濱臨湖河之圩埂。○九年。移建淮揚清河汎之雙金牐。於舊牐下八十丈處所。○又疏濬裏下河。

江西○康熙五十八年。修治臨江府北土橋老隄。以衛清江。豐城高安三縣田廬。○雍正八年。覆准。廢新建柘湖下洋二圩。別築大岸。更名下洋西隄二圩。○十三年。修補豐城縣土隄。酌建石岸。以資衛護。○乾隆二年。覆准。豐城縣石隄。

歲修夫銀。免其派徵。每年酌計銀一千四百兩。動支鹽規銀辦理。○又修建南昌縣圩隄。以衛田畝。○又修築九江府護城石礪。○四年。修砌南昌縣青山牆。以防春漲。○又疏濬九江關龍門河道。以資挽泊。○又覆准龍河當廬阜諸水之衝。每遇水漲。急溜衝刷。嗣後每歲於年終水涸。詳加測量。如有沙土壅滯之處。即設法疏濬。毋致停積。○五年。議准豐城沿江一帶土石各隄。計長七十餘里。險工林立。每歲伏秋汛發。飭令南昌府同知。前赴豐城一帶。防護隄工。隨

時搶築以保田廬。○又修築南昌縣安樂圩石
牯以衛民田。○六年。修補吉水縣石礪。並建築
石壩。○八年。修建南昌新建二縣水衝圩隄。改
建螺蛳港牯壩。○又修築南昌縣富昌安樂二
圩。暨新建縣迴瀾蛟窟三汊三牯。並三埂古隄。
○十年議准。豐城縣東西兩岸土隄。嗣後仍照
舊例。聽里民自行分段修築。每段設立圩長。就
近董理。水落督夫修補。水漲巡防。並責令地方
官不時稽察。毋許隄長任意取夫滋擾。石隄歸
官承辦。其坍塌鼓裂各處。一概修整。工竣之後。

責成承修官保固三年。○又堵築螺螄港被衝石壩上岸。○十一年修築豐城縣馬家園普明堂等八處舊老石隄。○又修換水關橋牕板。它濬壅土。建小房二間。收存牕板。○十二年修理吉水縣南門外一帶被衝石隄。○又覆隄九江府護城石砌。動用鹽規引費銀二千兩。交商生息。按年修補。每年水涸時。遇應行修補之處。該縣勘明詳報。領銀加修。委驗報銷。○十六年豐城縣建築石隄四十二丈五尺。○二十九年豐城縣文昌閣土隄改建石隄。長三十丈。高二丈。

二尺。○三十一年。豐城縣熊坊墻石隄上游。增
建石隄。長十八丈。高二丈二尺。雷公腦土隄。改
建石隄。長十五丈。高二丈二寸。○三十二年。豐
城縣熊坊墻至文昌閣土隄。長五十八丈。又雷
公腦至鄒家腦土隄。長七十三丈。均改建石隄。
○三十三年。議准南昌縣安樂圩石牐一座。移
建王家湖口。以資蓄洩。○又開濬江西省城豫
章古溝。自城內東湖貢院西北角起。至城外賢
士湖止。計石溝長三百七十六丈。土溝長六百
九十七丈。並設鐵柵。建石牐。撥役專司各牐啟

閉以資蓄洩。○五十年。修砌新建縣大有圩茅茨埧石牐。○五十二年。豐城縣鎮平隄中段。改建石隄。○五十四年。奏准江西省城壕淺窄。春夏雨水泛溢。動項創挖。以資疏洩。○又修理南昌縣大有圩牛尾石牐。○五十五年。豐城縣角公背墻下第一段土隄下截。長十二丈。改建石隄。○嘉慶十四年。

諭金光悌奏懇請借項修理圩隄以衛農田。該省上年五月間。因雨水連綿。河湖盛漲。下游各屬殘缺圩隄。業經該撫飭令業佃人等修築完固。其地勢最低之

建昌縣內永豐蘆鎮等處圩隄。衝坍較甚。自應亟加修復。保護民田。惟念該處甫經被水。歉收之後。民力不免拮据。所有該撫估需銀二千兩。著即於司庫減半平餘項下借動放給。責令該謹圩業人等自行趕緊如式修築。其所借銀兩。著自十四年為始。分作四年催徵還款。以紓民力。○十八年。拆修豐城縣雷公腦文昌閣石隄。原有土隄二百餘丈。就險要之處。改建石隄。○道光二年。豐城縣土隄盡改建石隄。又湯家巷接連螺蛳衛土壩。改建石壩。○十四年。修築德化南昌建昌新建四縣圩隄。○十

年修建省城小西湖石牯木關。並疏濬湖身四圍。改築石隄立椿畫界。○十一年。修復建昌南昌新建進賢鄱陽星子德化德安各州縣圩隄。○二十三年。拆修豐城縣熊坊壩甘家湖石隄。○三十年。

諭御史湯雲松奏江西水利情形一摺。著陸應穀到任後。按照所奏各情。諄飭該管各官。相度地勢。博採輿論。儻事屬可行。即著廣為勸諭。俾小民共圖久遠。以息水患而衛田廬。○光緒八年奏准。借項修復廣信饒州九江南康四府屬圩隄。以工代賑。免其還

繳○十一年奏准本年江湖並漲上下游被水各隄借款修築

福建○雍正十三年覆准閩省山河素稱危險自仙霞嶺西南萬山之水與延建汀邵四郡之水合流盤旋七百餘里以入於海河流紆折波浪洶涌於建甯府浦城縣至福州府古田縣水口地方開鑿火燒等四十三灘平治相公等八灘柳林等六灘立柱指迷七里等八灘設船救濟化險為夷以便行旅○乾隆三年興修連江縣東湖隄堰灌溉民田○又興修侯官閩二縣

牘壩以資灌溉。○又修砌長樂縣塘隄並西邨
塘堰陡牘。○又興修閩縣海堰牘圍障海潮。○
又覆堆長樂縣和魁蓮花兩塘修築塘隄陡牘。
並仙歧地方建造陡牘修砌護衛塘岸禦賊疏
浚以利農田。○又興修閩縣崇賢里牘。○又興
修長樂縣小址地方橋壩。○四年修築晉江縣
下莊全埭等處橋梁隄壩開濬河溝築造小岸
海堰以資捍禦。○五年修補龍溪縣墨場埕被
衝隄壩一百五十餘丈加增舊隄三百餘丈以
衛田廬。○七年修濬侯官縣齊坑浦道橋牘。○

八年覆隄。長樂縣築大隄百餘丈。中建陡門二座。石牕一座。視旱潦為啟閉。○又增築汀州府教場臨河河牕。○九年。修復閩縣嘉登里海堰石橋。○又修葺閩縣逐勝里長夾水牕。並上盛石橋。○十年。修葺侯官縣西關外西湖頭水牕。以資蓄洩。利濟田園。○十二年。修築甯化縣護城長隄。○十三年。修築閩縣嘉登里赤沙墩海堰水牕。○二十四年。興修福建省水利農田。○嘉慶元年。修復南靖縣被水衝塌隄岸三百十餘丈。龍溪縣被水衝塌隄岸三百七十餘丈。○

道光七年。修復莆田縣木蘭陂石隄。○又修復
龍溪南靖二縣墨場上郭等社衝決隄岸。及年
久失修之九美等隄。○十二年。修築南靖縣九
美竹員等隄。八百六十餘丈。○十八年。

諭御史巫宜禔奏福建莆田縣之木蘭陂。為永春德化
仙游三州縣澗水所匯。其石隄不僅為灌田溪水之
隄防。且係濱海邨落之保障。近來隄工閒有損缺。溝
渠涵洞。不無滯塞。請飭查驗修理。並該省有關農田
要害之陂塘隄堰。一體疏濬修築等語。閩省農田。藉
資水利。全在該地方官留心民瘼。隨時疏修。方於民

生有益。著鍾祥魏元烺即督飭該府縣確切查勘木
蘭陂石隄。有無斷缺之處。並通飭各府州縣於各該
地方有關農田水利之陂塘隄堰。應否疏築。俱著隨
時留心察看。督令妥為辦理。

欽定大清會典事例卷九百二十九

工部

水利 浙江 湖北 湖南

浙江○康熙四十七年疏濬杭嘉湖三府淤淺
港漚建牖六十四座○雍正元年議准東南州
郡如浙江等處地屬膏腴田皆近水而旱資灌
溉潦資宣洩全在水利令該督撫轉飭各州縣
確勘大小河道如有淤塞即設法疏濬以利民
田○二年開濬西湖淤淺俾復舊址並疏上下
兩塘以資仁和錢塘海甯三邑民田灌溉○乾

隆元年

諭朕聞浙江紹興府屬之山陰會稽蕭山餘姚上虞五縣有沿江沿海隄岸工程向令附近里民按照田畝斂費修築而土豪蠹役於中包攬分肥用少報多甚為民累朕以愛養百姓為心欲使閭閻毫無科擾著將按畝科錢之例即行停止其隄岸工程遇有應修段落著地方大吏委官確估於存公銀內動支興修報部覈銷永著為例○二年修築樂清縣塘隄陡門○又覆准山陰蕭山二邑歲修尖山浮橋船行人絡繹最關緊要給予夫役看守工食更換篾

纜板柵等項。照例開銷。○又覆准。蕭山縣湘湖塘身穴口。各有塘夫看守。給予工食。每年春開選補。秋前三日。先將下壩開放。灌溉田禾。秋後復築。仍令看守。亦屬合邑民生要務。循照塘工之例。於應修時。委勘確實。動撥司庫備公銀趕辦。工竣報銷。永遠遵行。○四年覆准。玉環廳地方築塘浦二百四十丈。陡門一座。以禦鹹潮。蓄淡水灌田。○又修築麗水縣衝坍西堰官壩道路橋梁。○又覆准。玉環東西青巖新舊陡門。壩二座。蓄淡水灌田。設壩夫四名。以司啟閉。○五

年修濬湖州府城分流各支河。並將鈕家橋等處及附郭壕塹逐段開通。以資蓄洩。灌溉民田。○又覆准玉環廳地方天開河渠土塘一千一百丈。建築牐壩。以資蓄淡灌溉。○又修麗水縣衡塘寶定二處溪岸河堰。○又修整玉環廳天開河塘。設牐夫二名。專司啟閉。○又覆准玉環廳江北十四都等處。建造塘牐。以禦鹹潮。開墾田畝。○七年。疏濬西湖湖心亭放生池岳湖等處。港河淤淺。○又疏濬錢塘餘杭二縣交界之瓶窰鎮溪河。以利杭嘉湖三府田疇。○八年。修

復仁和縣余家壩。○九年修築乍浦燠礪疏濬
燠口淤泥。○又修錢塘縣武林門外清河燠以
資蓄洩。○又修築仁和昌化二縣交界地方勞
家陡門。○又議准浙省夏蓋汝仇等湖歷來藉
灌民田。嗣因該省逃亡地丁沿海坍場地畝錢
糧無著。將湖內可耕之地聽民報墾升科抵補
其湖底低窪之處仍留以蓄水。惟湖蕩關繫水
利。嗣後令該督撫等凡有湖蕩之地委員詳加
查勘。除已經報墾之地畝外其餘蓄水之處劃
明界限不許再行開墾。阻塞水道其從前已墾

地畝亦令查明有無升科。分別辦理。○十二年。修理仁和青龍田家井二涵洞。○又覆准乍浦南北水門建牕二座。以資捍禦。○十三年。修建遂安縣堰壩。○十四年。修築仁和縣田家井涵洞。○二十年。

諭。西湖之水。海甯一帶田畝。藉以灌溉。今聞沿湖多有占墾。若將墾熟之田。它廢歸湖。小民未免失業。如任其占墾。將來湖身日漸壅塞。海邑田畝有涸竭之虞。於水利民田。均有未便。除已經開墾成熟者。免其清出外。嗣後不許再行侵占。○二十三年。仁和縣境內

青龍田家井二涵洞。改建石牕。○二十四年奏准。浙江省修舉水利農田。○二十七年。修築淳安縣北岸石礪五十九丈。又續修二十五丈五尺。並護礪坦水一百七十丈。○二十八年題准。淳安縣北岸

關帝廟前一帶土隄。增築石礪坦水各二十四丈。以資保護。○又開濬湖州府淞港。○四十年題准。西湖有關仁和錢塘下游各縣農田水利。因葑草壅積。漸至淺塞。應行開濬。嗣後每年秋冬之交。將西湖葑草芟濬一次。○五十年。開濬錢

塘縣新官橋至衆安橋一帶河道。○嘉慶元年
奏准。山陰縣之三江牐。關繫數邑民田水利。應
及時修築。並將柴塘改建石塘。餘銀一萬三千
兩內酌留七千兩生息。歲修石工。餘銀六千兩
修補牐工。○十四年覆准。錢塘縣桃花港石堰
減水二牐。年久失濬。石礮傾圮。關繫民生水利。
亟應修濬。○十六年覆准。仁和縣境內太平橋
至李萊橋止一帶河道。現在淤塞淺阻。有礙車
戽舟行。應開濬深通。○又奏准。錢塘縣境內袁
家浦東江牐座。年久坍塌。以舊牐基址。退入五

十餘丈。移建三洞大牐。並砌築左右雁翅石砌。
牐底添建滾壩一道。以資鞏固。○二十年

諭。顏檢奏西湖為浙江水利攸關。從前開段挑挖。旋開
旋淤。終難經久。今將全湖一律疏濬。廣資利濟。並可
以工代賑。亦於荒政有裨等語。著照所請。於商輸生
息銀內。撥借銀二十萬兩。按二年之限。收息四萬兩。
以濟工用。其本銀分作二次。兩年繳完歸款。○二十
五年。修築桐廬縣境沿江塘站。○道光四年。疏
濬省城外上塘河。長百二十里。○五年。疏濬仁
和錢塘。餘杭嘉興嘉善海鹽石門平湖桐鄉歸

安烏程長興十二州縣河道並修築烏程長興
二縣塘牐橋壩。十一年修濬錢塘縣境通濟
橋一帶官河緯塘。十二年修築錢塘縣江干
牐口塘工橋座。又修上虞縣呂家埠等處柴
塘。又修東西兩塘柴埽坦水各工。咸豐元
年奏准查明棚民開山過多有礙水道分別已
開未開添立界石。如私移界石續行開墾者立
即嚴懲。至浙西水利南湖驟難濬復先開支河
以通取土之路。次修石牐以遏溪水之衝。浙東
三江牐口外沙淤。籌挑鄞縣象山等縣河溪。此

外各屬河溪一律相度疏銷以資蓄洩。○同治

五年

諭御史王書瑞奏浙省澇港淤塞亟宜開濬一摺據稱浙江水利在浙東則有海塘在浙西則海塘而外又有澇港湖州府屬烏程縣境有三十九澇長興縣境有三十四澇康熙雍正乾隆年間疊經疏濬自逆匪竄擾後泥沙堆積澇口淤阻墾種多致淹沒請設法開濬等語著馬新貽即行派員履勘工程緩急設法籌款次第趕緊興修不得意存畏難稍涉遷就另片奏江蘇蘇松諸郡與杭嘉湖異派同歸湖州處上流

之最要。蘇松等郡處下游之最要。下游疏通而上流阻塞。則害在湖州。上流疏通而下游淤滯。則害在蘇松。並惠及杭嘉湖。請飭江蘇一併查明開濬等語。並著曾國藩、李鴻章、郭柏蔭派員履勘明確。與馬新貽會籌妥辦。通力合作。○又奏准三江壩為山陰會稽蕭山三縣宣洩要口。疏濬壩外沙漲。以利農田。

○九年

諭前內閣侍讀學士鍾佩賢奏浙江澉港壅塞。請速籌疏濬。當諭令楊昌濬查勘辦理。茲據奏稱派員周歷澉港。委係年久失修淤塞。現在查明最要及較次各

工。分別估辦。先於釐捐項下。借款動工。惟湖州淞港泥水壅灌。多係蘇松下游淤滯。請飭江蘇一體籌辦等語。淞港關係水利。自應趕緊疏濬。著楊昌濬即督飭該處地方官。趁此冬隙之際。先將寺橋等最要之九港。及諸沈二淞。先行借撥款項趕辦。其餘各工。及碧浪湖工程。亦應次第查勘。分別興辦。並著曾國藩張之萬。迅即遴派妥員。查勘吳江縣長橋及太湖出水各口。設法疏通。與浙江同時並舉。○十年。挑挖碧浪湖漲灘五百餘丈。

湖北。○乾隆二年。覆准。湖北各屬溝澮塘堰等

工。遇有應濬應築之處。飭令該地方官於政暇農隙時。巡視鄉邨。勸諭化導。令民濬築。以資蓄洩。僅遇歉收之年。民力不繼。該督撫督率地方官設法修築。如奉行不善。藉端滋擾。分別叅究。○三年。修築漢陽府黃陂縣溪岸河堰。○十一年。修築雲夢縣馬橋會隄。工。○二十四年。議准修濬潛江縣屬之葛北垵灘隄。暨關李口古溝。並開疏沔陽州屬黃荊口至任家嶺。約長四十里。又疏玉帶河自柳口至小橋河口。約長五十里。又勸民疏濬江陵縣之虎渡口。穀城縣北古

洋河上游之土灘溝。觀音堂溝。界山溝。北粉河之黑虎廟溝。三叉口溝。宜城縣東鄉之南泉畝。上馬石。王旗營。邱家套。獅獺庵。寶燕山。連泗洪。共開塘堰二十處。西鄉之侯王營。古北崗。新張營。共開塘堰六處。地方官勸民疏渠開堰。工程多者。酌量記功。其紳士有急公捐貲在三百兩以下者。給扁獎勵。三百兩以上者。題請議敘。○二十七年。荊門州水廟灣至龍王廟臺老隄內。築月隄一道。○二十八年。荊門州屬沙洋下游。仙人古月隄外。鄭家潭南耳隄。另築月隄一道。

○二十九年武昌府城增建石牕一座○三十年覆准武昌府城平湖漢陽二門牕座因係小甃雜砌均已坍塌改用砂石牕槽改用青石俾得經久○又重建賓陽門外廣阜屯地方宏波石橋○四十六年奏准武昌省城南保安門外路隄被水衝刷難以填補於高阜處另築路隄一道並修砌便河石橋一座張家渡大小石橋二座○四十八年修築武昌金沙洲江工○又修築漢陽縣朝宗門迤上護江正岸並張王磯第二層護岸○五十四年奏准澤口為漢口

洩水之區。從此分流至沔陽州沙河。又分為二支。一由漢陽縣沌口歸江。一由漢陽之青灘口歸江。此二處河道。聽民間自行挑挖。不得假手吏胥。藉端滋擾。挑濬後禁止漁戶攔築土埂。免致淤沙停滯。阻礙江流。○五十五年。修築潛江縣仙人隄。○嘉慶二年。奏准荆門州。沔陽。江陵。監利。石首等州縣沿江一帶隄工。加高培築。填補缺口。並築月隄。鑲龍尾埽工。均係動項官修。勒限保固十年。俟保固限滿。照例民修。不得援以為例。○十六年。題准天門縣屬牛蹄支河。為

襄水分流要區。該河口門過於寬大。下游窄狹。一經汎水盛漲。即有漫潰之虞。今將河口收小。以束水勢。添砌石口門一座。口門寬十二丈。長四丈。底寬四丈。培高二丈二尺八寸。以資保衛。○二十年。修補省城外沿江石隄。○二十一年。奏准江陵縣荆江南岸龍王廟。梁家垸民隄潰決。公安縣西湖廟軍隄坍塌。京山。潛江。二縣接壤之聶字灘月隄。隄腳衝成深潭。均築月隄。以資捍禦。○又修築沔陽州新隄石牐。保固三年。○二十二年。奏准江陵縣之范家隄。沔陽州之

龍王廟所築臨江新隄。各建石牐一座。以時啟閉。二十三年。添建沔陽州龍王廟地方牐座。○又奏准。天門縣隄工南岸河淤。改於下游雷家場挖溝建牐。洩水入襄。二十四年。修築京山縣王家營膝隄一道。黃傳口。唐心口。膝隄二道。共九百餘丈。○又修補荊州萬城大隄。改黑窯廠土岸為石岸。○二十五年奏准。江陵縣之周家垸挽築月隄。公安縣之雷四灣。田家灣。退挽月隄。沔陽州天門縣同區之七十二垸。衆水匯聚下游。於附近之程文五口地方。添開明口。

並舊有之成功永奠二牖。曾家溝肅家明口一律深通。以暢尾閘。○道光元年奏准。當陽縣關帝陵右首土坡。被沮水衝陷。祠宇亦多敝損。於沮水西岸建石隄。祠前為碎石坦坡。以資抵禦。○又潛江縣滕隄漫口。退挽月隄一道。○二年。修築荊門州仙人大隄。○三年。修築荊門州沙陽官隄。○又監利縣櫻桃坑隄。退挽月堤一道。○四年奏准。荊州府萬城大隄上新開決口。挽築月隄一道。尚林腦決口。退挽月隄一道。並於頂衝處建石岸百餘丈。○六年奏准。京山縣王家

營塍隄對岸荆門州沙觜淤長挺出河心逼溜
直射於王家營迤北為碎石順壩一道新舊隄
交卡處為碎石挑水壩一道新隄適中為碎石
磯一道以敵溜勢藉刷沙觜○又江陵縣得勝
臺以上民隄接老隄退挽月隄一道○七年奏
准漢川縣為襄河尾閘受七州縣湖河之水新
開消渦湑草廟口以洩積潦○又奏准京山鍾
祥二縣塍隄決口挑胡李灣沙塊先暢下游京
山縣口門挽築月隄展寬水道鍾祥縣口門築
攔水壩乘勢堵閉並於潰口處築石壩二道護

隄攻沙○八年

諭。嵩孚等奏各衛軍戶隄塍歲修工程。請改歸屯坐州縣就近經理一摺。湖北屯坐各州縣軍戶隄工。係歸各衛守備經管。茲據該督等奏稱。每年秋後水落。應修隄塍之時。正值趕辦新漕。該衛守備等僉丁造船。兌糧起運。無暇督辦隄工。其屯頭隄長人等。任意延宕。以致書役串通。侵蝕土方。工程不能堅固。且軍隄俱係濱江臨河。一經汎漲漫漬。即致貽害民隄。請將每年歲修工程。改歸屯坐各州縣就近經理。著照所請。即飭令各衛限一月查明屯坐地方。管修隄工之

首事隄長屯頭業戶。造冊移送該州縣存貯。自本年
起。於秋後勘辦民隄之時。順道查勘軍隄。凡低矮單
薄之處。按段加高培厚。估計應需夫工。造冊詳報。一
面責令首事隄圩人等趕辦土方。自行興修。毋許書
役涉手。以杜弊竇。並責成該州縣暨汛員等一體督
率查催。務與民隄同時興工報竣。工程一律堅鞏。俾
資捍禦。每年汎水漲發。亦責令該州縣等認真搶護
巡防。儻有草率偷減。及防護不力。即著嚴行叅處。○

又添築鍾祥縣新隄石壩。○又荊州府萬城隄
決六百餘丈。退挽月隄一道。○九年。修萬城大

隄。○十年奏准修築公安監利二縣。○縣。○其。○隄。○脚。○刷。○成。○深。○潭。○者。○各。○挽。○月。○隄。○以。○資。○捍。○禦。○。○十。○三。○年。○奏。○准。○江。○夏。○縣。○隄。○。○原。○編。○日。○月。○光。○天。○德。○山。○河。○壯。○帝。○居。○十。○字。○為。○號。○。○今。○堵。○築。○月。○字。○壯。○字。○兩。○號。○決。○口。○。○改。○築。○德。○字。○號。○月。○隄。○。○餘。○七。○字。○號。○隄。○段。○殘。○缺。○。○一。○律。○加。○高。○培。○厚。○。○蒲。○圻。○縣。○隄。○。○原。○編。○居。○然。○江。○上。○一。○長。○城。○七。○字。○為。○號。○。○今。○堵。○築。○居。○字。○號。○決。○口。○。○培。○築。○一。○字。○號。○殘。○缺。○。○以。○資。○捍。○禦。○。○十。○五。○年。○奏。○准。○嘉。○魚。○縣。○境。○長。○隄。○加。○高。○培。○厚。○。○修。○塞。○漢。○川。○縣。○境。○姚。○兒。○垸。○決。○口。○。○沔。○陽。○天。○門。○。○漢。○川。○三。○縣。○毗。○連。○處。○地。○名。○七。○十。○二。○垸。○。○逼。○近。○襄。○河。○。○就。○上。○游。○沔。

陽境內周家橫隄舊址。挽築月隄。圍臨河之長
團。垸於七十二垸之外。留缺待淤。以免上游各
垸倒漾。○十八年

諭

林則徐等奏酌籌襄河防險經費一摺。湖北省襄河
隄工。攸關緊要。據該督等查明向無防汛搶險之資。
自應亟為籌款。以備要需。著照所請。准其援照襄陽
緝捕經費成案。即將發典局錢並所得息錢。捐補湊
足十萬串之數。改發漢岸鹽商彙總生息。每年所獲
息錢。除歸還錢本。易銀解存藩庫外。其餘五千六百
串。即作為襄河正隄防險經費。統於大汛前分別酌

給飭辦。由該州縣造冊呈報。該管道府隨時認真點驗。儻敢疏忽失事。即將該印委汛員嚴行叅辦。隄長夫役一併治罪。毋稍姑息。此項本息。係經籌捐湊足。著免其造冊報銷。○又修築黃梅縣石板橋以下隄工。補築董家口以下新隄。千五百八十九丈。○二十年議准江漢隄。塍修竣。無論官工民工。新築歲修。一律予以固限。凡一切官民新工。限十年保固。歲修工段。若止加高培厚。費至五千以上者。限三年保固。一有失事。除官工仍照舊例辦理外。其歲修民工。將原辦之地方官與經修

之首事先摘去頂戴責令各賠四分。驗收之員賠二分。修竣之後始准開復。○又奏准荊州府萬城大隄觀音寺石磯改用甌石砌泊岸。逍遙湖萬城方城等處隄二十一工。加高培厚補修子埝。○又奏准京山縣屬築橫隄一道。截去楊隄灣至聶家灘二十餘里之大灣。取直避險。○二十一年修復沔陽州龍王廟新隄牕座。並濬牕內各湖。○二十三年江陵縣屬之虎渡汎八節工等處挽築月隄五十七丈。公安縣屬之沙隄鋪挽築月隄二百十七丈。○二十七年

奏准築土隄八百餘丈。護安陸府城垣。並濬河道溝渠。建石牕以時啟閉。○光緒二年。修築嘉魚縣江隄。○又奏准鍾祥縣境禹王宮隄。加築石岸坦坡。並培月隄。劉家灣隄。腳汕刷退。挽月隄一道。○又奏准大津口沙淤。襄水改道。趨潛江縣吳家場口。南岸長隄。淪為巨浸。長七十餘丈。須由水底排椿施工。其旱段長三百七十餘丈。北臨襄河。東南接大津口支河。退挽月隄一道。並建石磯以殺水勢。疏濬大津口至荊河淤沙。長一千八百二十餘丈。並於口內修築支隄。

近接改口隄身。四年

諭。前據御史李廷簫奏湖北樊口隄牐。關繫農田民命。委員勘報不實。請飭覆查。當派彭玉麟等前往確查。茲據彭玉麟奏樊口隄牐。於濱湖農田民命。關繫甚重。必須將濱江黃柏山起至樊口四十里之大隄止。趕緊修補。再於黃柏山以上添修里許。樊口以內宜修一石牐。其橫直寬廣。可以度地布置。並設立埠頭搬運貨物。由民間自行修理。官則嚴立規條。重懲需索等語。該處隄牐。既據該侍郎查明有裨國課民生。而於漁戶商販尚無大害。自

應權衡輕重。酌度興修。著照所請。由李瀚章等督飭屬員趕緊辦理。毋任該地方官拘泥成規。稍形鬆懈。此次所築隄牐。實因地變遷。必須興辦。既可於民田有益。而江流宣洩。亦無妨礙。他處情形不同。不得援以為例。○五年。奏定樊口建牐章程。一。樊口宜建石牐。不可私築橫壩。一。樊口長港一道。橫寬二十六丈。梁子諸湖之水。皆由長港入江。應建牐門三座。口門各寬一丈二尺。以分水勢。一。建牐經費。以牐內田地受益之淺深。定派數之多寡。仍責成各縣首事秉公勻派。覈實開

報一。經費不得借撥公款。動用帑項亦不得私
行苛派。統計需費若干。每縣應出費若干。通盤
籌算。設局經收。如敢侵蝕。查出重懲。亦不准書
差經手。一。首事須各縣紳耆公舉。受益地方紳
民之公正者。武昌縣公舉內鄉二人。外鄉二人。
大冶黃岡江夏三縣各公舉二人。從前倡築橫
壩之人。不准干預。一。每年秋末冬初。察看壩座。
如有坍塌。由各首事勘明修葺。即在埠頭抽存
錢文內動用。一。由港進出船隻抵壩時。壩內外
設埠頭各一人。督率腳夫代搬貨物。凡貨物出

進所取力錢。明定數目。牌示河干。並立號簿。每月覈計力錢若干。抽十分之一。撥入歲修支用。按月造冊報查。由武昌縣內外鄉各派首事。輪流專司啟閉。每當江漲。將次倒灌而入。方准開牕。秋冬水落。視牕內之水。高於牕外二三尺。即應啟牕。不得遲逾。致形壅塞。○十年奏准。監利縣子貝淵隄石牕。新隄龍王廟牕。嗣後以消長為啟閉。毋拘日期。

湖南○康熙四十九年。修築常德府大圍隄。令地方官專管。○雍正九年。

諭。朕聞洞庭一湖。綿亙八百餘里。自岳州出湖。以君山為標準。一望杳渺。橫無涯際。而舵杆洲居西湖之中。去湖之四岸。或百餘里。或二百餘里。舟行至此。儻遇風濤陡作。無地停泊。亦無從拯救。多有傾覆之患。昔人曾經創議。若於此處建築石臺。則狂風巨浪之中。商船有挽泊之所。實有裨益。止以水中立基。工用浩繁。事不果行。朕以勤求民瘼為心。凡內外遠近地方。疏濬修建工程。可以利濟羣生者。無不樂為興舉。況商賈行旅之往來。可以避風濤之險。而登衽席之安。尤事之所當舉行者。營田水利捐納項內。有平餘銀

二十萬兩。著將此項銀解送楚省。交與總督會同巡撫遴選賢能之員。相度估計。悉心經理。建築石臺。以為舟航避風停泊之所。務期修造堅固。以垂永久。毋得草率塞責。欽此遵

旨議定。洞庭湖舵杆洲建築石臺。東西長九十六丈。兩頭闊三十丈。南北各灣進如偃月形。以便行舟避風濤之險。○十三年議准。益陽沅江二縣東西兩岸。建築隄堰。周迴九十四百七十三丈七尺。以防水漲。建設管口。以資蓄洩。徧栽楊柳葦荻。以護隄身。嗣後每年歲修。即令隄內業民計

畝出夫均力修理。仍照各屬歲修隄堰之例。令地方官每歲九月親行督率。該管道府不時稽察。○乾隆二年奏准。舵杆洲石臺北面護墩之外。密釘排椿二層。中填碎石。壅土成洲。徧種柳樹。根盤土結。保護隄工。○九年修理常德府城外東西南石櫃三座。○十年議准。湘陰益陽二縣一切水利工程。向由岳常澧道管理。今改歸長寶道經管。○十二年議准。湖南省濱湖州縣。自本年秋冬為始。凡險要之隄。統以三年為止。每歲加厚二尺。加高三尺。○又議准。湖南省各

處隄堰。徧栽柳樹以攬風浪。每隄種柳若干冊。報稽考。嚴禁縱放牛馬。及居民侵損。○又議准洞庭一湖。為川黔粵楚各省諸水匯宿之區。必使湖面廣闊。方足以資容納。嗣後各屬濱湖荒地。永禁築隄墾田。○二十八年議准修築武陵縣護城隄工。其半邊街石隄。仍用石砌築。得勝宮土隄。改為下石上土。○三十二年題准常德府城南善春障民隄。於水道有礙。毋庸修築。其迴峯寺石櫃接連土坡。正迎衝溜。應用碎石填築。並上首土坡。亦改用石砌。○四十五年覆准

長沙縣通貨門外。增建護城岸。○四十八年。增建桃源縣石櫃二座。並修建石岸。○五十三年。奏准武陵縣之蓮花庵老塘堆等處官隄於低下處。加修子隄。以資捍禦。○五十五年。議准常德府城西花貓隄石櫃一座。加高展寬。以資保護。○嘉慶十八年。奏准龍陽縣金石一障。武陵縣五邨蘆洲黃溪。馱古老隄。萬金六障。借項興工。○道光八年。查辦濱湖私築隄垸。分別存毀。並永禁升科。○十二年。奏准華容縣官民垸決口四百二十三處。於司庫借項興修。三年攤徵。

還款。○十五年修復華容龍陽沅江益陽武陵五縣被水官民各垸。○三十年奏准安鄉縣被水官垸十五處太和等五垸民自修築其圍城等十垸借給該業民工本一半以資修築。○咸豐元年修築武陵龍陽沅江安鄉湘陰益陽華容七縣被水官民各垸圍共二萬八十二丈。○光緒八年奏准洞庭東湖九馬嘴地方為雲貴兩省及常澧等屬水路要道每遇暴風波濤洶涌危險異常今於君山後別開新河使上游船隻可以直趨鹿角由萬石湖入新河以達九馬

背之北。下游船隻過君山後。即可稍依湖岸。入
新河。繞出九馬背之南。中間一段險地。全行避
去。嗣後遇有淤墊。隨時疏濬。